


Ekuatore Gineari laguntza «nabari» murritzuko dio Espainiako Gobernuak

Agintari ginearren iritziz, «espainiarrek ez dute laguntza humanitariorik ematen»

Espainiak Ekuatore Gineari ematen dion laguntza «nabari» murritzuko dela ziurtatu zuen atzo Jose Luis Dicenta Nazioarteko Kooperaziorako eta Iberoamerikarako Estatu idazkariak. Gaur bertan erabakiko den murritzeta honez gain, Gobernuak diplomatiko gineatar bat kanpora lezake Diego Sanchez Bustamante Batako kontsul espainiarraren kanporaketa zigortzeko.

MADRIL-MALABO



Felipe Gonzalez Obiangekin, 1991ko azaroan eginiko bisitaldi ofizialean.

EFE

rrekontu arazoak direla eta». Dirutza horretatik, % 65 hezkuntza sistamarako dira, % 25 osasun zerbitzurako eta % 10 telebista eta «instituzioen laguntzarako».

Atzo egindako adierazpenean, Teodoro Obiangen erregimenarekiko harreman diplomatikoak hautsiko ez direla ziurtatu zuen Solanak. Ekuatore Gineako zenbait agintarik laguntza behar ez dutela esanda egindako adierazpenak ulertzen zituela aipatu zuen Atzerri ministroak, «Gobernuak ez baitu laguntzaren beharrik, baina herriak ordea, bai. Beraz, sufritzen duten herritarrei

ez diegu bizkarrik emango».

OBIAN ESPAINIAREN AURKA

Miguel Oyono Ekuatore Gineako lehen ministroordeak Espainiari egotzi zion azken krisiaren errua, eta espainiar diplomatikoak erregimenaren aurkako «manioobra zikinak» egiten ari direla ziurtatu zuen. Oyonok ukatu egin zuen Espainiako Gobernuak Ekuatore Gineako Estatuak edo Administrazioari «sos bakarria eman digunik», eta zalantzan jarri zuen laguntza humanitarioaren iristen denentz. «Laguntza hori zein den

jakin nahi dugu, kooperazioa paperetan besterik ez baita existitzen. Beraz, ezin da moztu ez eten, jada existitzen ez dena».

Oyonok argi utzi zuen Obiangek ez Espainiaren ez beste ezein herrialderen presioaren aurrean etsitzeko asmo gutxi duela. «Gineak ez du inolako arazorik demokratizazio prozesua sendotzearekin, eta gai honek gure Gobernua, herria eta alderdia politikoak besterik ez ditu arduratu behar. Prozesua ez dugu diplomazia espainiarrak bultzaturiko ginearren arteko borrokaren logika jarraituz egingo».



Simone Veil.

hala nola RMI edo beste irabazpiderik gabeko sariduna dela agerian jarrita.

Poliziak indarrez haizatu zituen atzo Giza Arazoetako Ministerioaren aurrean egonaldia egin zuen hamar bat aterberik gabeko. Hilabete baino gehiago bazen lagun hauek toki horretan jarrita zeudela, «aterbe bat denentz» eskaera Veili zuzenean azaldu nahian.

Roldan: «UCIFako agenteen fidantza diru publikoz ordaindu zen»

MADRIL

Luis Roldan Goardia Zibileko zuzendari ohiak aitortu egin zuen herenegun 'UCIFA auzia' dela eta, espetxeratutako goardia zibilen fidantza diru publikoaz ordaindu zela, baina ez zuen zehaztapen gehiago eman «Barne Ministerioak bere kasa gastatzeko dituen fondo bereizietako dirua izan baitzen» bere esanetan.

Roldanek epaileari esan zionez, guztiz «legezkoa» eta «ohizkoa» da goardia zibilen fidantzak diru publikoaz ordaintzea. Ordainketen erantzulea bera, eta ez beste inor, zela onartu ostean, Roldanek fidantzak Barne Ministerioak Goardia Zibilaren esku utzitako diruarekin ordaindu zirela ziurtatu zuen. Joan den azaroan, ordea, fidantzak Barne Ministerioaren Lege Arazoen Sailak ordaindu zituela deklaratu zuen Roldanek.

Roldanen aurka salaketa aurkeztu zuen Emilio Rodriguez Menendez abokatuak, ordea, Goardia Zibileko zuzendari ohiaren deklarazioa «gezur hutsa» izan zela erantzun zuen eta aurreko salaketari orain prebarikazioarena ere gehituko diola iragarri zuen. Rodriguez Menendez, 'UCIFA auzia' kaleratu zuten Doroteo Gomez eta Vicente Dominguez goardia zibilen abokatua da. Bere salaketaren arabera, Roldanek auzipetutako gainontzeko 14 goardia zibilen fidantza ordaindu zuen, baina ez bere defendituena.

**18 ertafrigarrek
Melillako
ospitale zaharra
utziko dute**

MELILLA

Melillako Gurutze Goriarren ospitale zaharrean hainbat hilabete —batzuek bi urte pasatxo— daramaten 18 ertafrigar Malagara eramane zizutzen atzo, eta bertatik Caritasen hainbat zentrotara bidaliko dituzte. Etorkin batzuk Donostiara eta Tuterara etorriko dira. Talde honek alde egin arren, oraindik ehun baino gehiago dira Melillan egoera txarrean geratuko diren etorkin afrikarrak. Horietarik asko kanporatu egingo dituzte.

Gabezia direnei janaria banatzeko 1.200 toki jarri dituzte Frantzian

A. SOKARROS / BAIONA

Duela bederatzi urte abian jarri zen 'Restaurants du Coeur' (Bihotzeko Jatetxeak) ekitaldia berriro indarrean dago atzodanik. Frantzia guztian 1.200 tokitan gabezia gorrian direnei janaria dohain banatuko zaie datozen hiru hilabeteetan. Gizarte Arazoetarako Ministerioak eta Europako Komunitateak beren laguntza ekarri diote ekitaldi honi.

Simone Veil eta Nicolas Sarkozy, Frantziako Gizarte Arazoetarako eta Aurrekontuetako ministroak Parisen diren 'Restaurants du Coeur' baten irekialdian joan ziren atzo. Frantzia guztian egun berean 1.200 'Bihotzeko Jatetxe' jarri ziren abian, atzotik hasita ehun egunetan gabezia gorrian diren herritar guztiei janariak dohain banatzeko. Parisen ekitaldian, beren elkarlana erakutsi nahian, esku har-

tu zuen baita ere artista multzo batek, hala nola, Jane Birkin kantariak, Sabien Azema aktoreak eta Murielle Robin eta Pierre Palmade txiste egileek.

Hain zuzen ere, txiste egile gisa ospe handia lortu zuen Michel Colucci 'Coluchek' zituen janari banaketa hauek indarrean jarri, orain dela bederatzi urte. Asmo xumea bete nahi zuen, «gose direnei jatera ematea». Orduz geroztik, ekitaldi hau urtero indarrean jarri izan dute abendu erditutik eta hiru hilabetez. Urtetik urtera, 'Bihotzeko Jatetxe' hauek Frantzia guztira zabaldu egin dira eta aurtengoari dagokionez, 1.200 tokitan janariak banatuko dira. Gune hauetara hurbilduko direnei harrera egiteko eta elikagaiak eskaintzeko, 17.000 lagun inguruk ekingo diote. Guztira, 500.000 dira jatetxe horietaz baliatzen direnak.

Aurtengo ekitaldiari dagokio-

nez, azpimarratzekoa da Europako Komunitateak esku hartuko duela, gehiegian dauden elikagai batzuk, hala nola, esnea, guria, irina eta besterik, dohain emanda 'Restaurants du Coeur' antolaketaz. Gizarte Arazoetarako Ministerioak ere, laguntza material eta diruzkoa zabaldu du eta honengatik zen, hain zuzen, Simone Veil Pariseko jatetxe baten irekitze ekitaldira azaldu.

ATERBERIK GABEKOAK HAIZATUAK

Iaz, 'Restaurants du Coeur' hauei esker, 30.000 apairu banatuak izan ziren hiru hilabetez. Alabaina, ekitaldi honen eratzaileen bihotz zabaltsuna inork ez badu ezbaian jartzen ere, kritikak entzun ohi dira banaketari jarriak zaizkion baldintzengatik. Ezen, janariaren lortzeko, 'Restaurant du Coeur' batera etortzen denak gabezia gorrian dela frogatu egin behar du,